

KANVO ANN TAD FORICHER

Missionner santel

MARVET EN QUEMPER AR 15 A VIS HERE 1884

WAR DON *Kelven*

Silaouet, kristenien vad, silaouet, me hō ped
 Kanvo a so em c'halon, kanan na ellanket
 Maro a so eun tad mad, missioner santel,
 Labouras 'vit gloar Doue, ken a zeu da verval

Ebars enn parous Goanac'h, drem dostik da Lanon
 Er bla mil eis kant daouzek, enor vit he ganton
 E teuas war ann douar ann Abostol santel,
 Ra gloar bugale Jesus, ken a zeu da verval.

ENN Plouillo, er Vouster, 'labouraz hep paoues
 A kals a verc'het santel e nem ra leanez,
 Da skolian ar vugale, da sikour ar re glan
 Frerien ha leanezet so bars er renk kentan

O tud vad Lezardreo, c'houi na c'heusket ankouet
 'No toues he c'hez da genta, gant he Escop kasset,
 Ha d'ar bevien a roe ar muian ma c'helle
 Dre douster ha karante an oll a c'honee

Goude a tistroas c'hoas da rei eur mission,
Dre 'n ners deus he sarmonio 'choneas ho c'halon ;
Nebeut a dud a chomas skornet ho c'halono,
A vandeno a teuent da glevet he gomzo

Person dimeus a Plusur, a oe eur pastor mad ;
He zousder, he vadelez, gant eur galon a dad,
Pa c'he er gador sarmon douche ar c'halono,
Ar bec'herien kaledet'deue da skuill daero

Leun a deneridigez bars er govision
Iac'hat a re gant douster goulio ar galon.
Ann union a zeue elec'h ar gassoni
Sakramant ar binigen a zeue d'ho goalc'hi

Da vean missionner gant Doue dibabet,
'Vit ma kendalc'ho ar fe en toues ar Vretonnet ;
Graç Doue a oa ganthan ha dre nerz he gomzo
E chanchent krem a vue 'vit gonit ann Envo.

Ebarz 'n'eun urz ken santel, gant he vreuder karet,
Daou ha daou d'ar paroujo e c'hent da labouret ;
Didamant e voink d'ho foan, labourat noz-veure
Evit gonit en peb lec'h ineo da Zoue

Pedi, kovez, ha sarmon, ha kana kantiko,
Er fin ar missione a vinigent kroajo.
Ann dud a skuille daero pa zeuent d'ho c'huitat
Dre oll lec'h ma dremenent a reent bepred ar vad

Goelet a neuz 'rok mervel eur vandennat tud kri ;
Skoet in war ar pave, tollet er meaz ho zi.
N'ho zra e voant koulskoude ; ann nerz a gommando.
Krenet 'rak justic Doue, eh dro a arruo.

Ann eost a zeuio prestik, neuse vo dibabet ;
Ar greun mad deus ann *ivrai* a vo dispartiet.
Re so breman o c'hoarzin, siouaz d'he a woëlo
Pa woelfont ar grevustet dimeuz ho fec'hejo.

Mar kever tud kounaret eneb lezen Doue,
A zo ive tud santel ebarz en peb koste
Hak a impli ho danve da sevel ilizo,
Ha dre ho aluzono a sav kalz a groajo

Doue a nevo true dimeuz ar françijen,
Mar tistroont diout-han dre eur gwir binijen.
Mar n'em stagomp mui ouz mui ouz ann Iliz santel
A zo galwet gant Doue da ren ar bobl fidel

Hen zad mad a zo maro, he urz na varvo ket
En despet d'han oll valiç demeuz ann drouk-speret;
Missionnerien santel 'dalc'ho da labourat,
Seul vui e voint kastiet; a glasko ober vad

Ann oll vad a nevez groet ann Otro Foricher
A raio he gurunen en pad ann oll amzer;
Ar re deui da labourat er bed man evelt'han
A c'heio ive d'ho zro d'ann env da ziskuizan.

Y. HERNOT.

AVIS. — Ce chant est en vente à la Librairie Anger, à Lannion.

Lannion, imp. Anger.